




101108



P₁-2上類



名花諸篇偶有所得
非獨鍾情於佳人俠
女麗草䟽花也以唐
詩之豔逸者首此四

種艷如千芳絢綵萬
卉爭妍明滅雲華飄
搖枝露青林鬱鬱楚
巘巘葱蒨而一段巧綴



英挺姿態醒目逸如
湖頭孤嶼山上清泓
窈立松陰蟬翳蘿幌
碧柯翹秀翠篠修纖

而一種天然意致機
趣動人共余艷逸品
所由刺也若謂艷逸
非所以品唐詩余亦

甘之矣

楊肇社君錫甫題

唐詩香奩集

目次

○贈趙使君美人

杜審言

○美人 二首

盧

○鬆髻

韓偓

○憶佳人

駱賓王

○麗人曲

崔國輔

○題美人

于鵠



○美人

崔澹

○美人

鄭仁表

○奉勅贈康尚書美人

薛伯行

○陷上美人

李白

○戲竇子美人

岑參

○美人怨

薛維翰

○又二首

李白

○浣紗女

王昌齡

○又二首

李白

○越女五首

李白

○閨婦

白居易

○別佳人

崔膺

○鄰女

白居易

○貧女

鄭谷

○思婦眉

白居易

○怨婦二首

劉商

○ ○ 忍笑

韓偓

○ ○ 再青春

韓偓

○ 新上頭

韓偓

○ 半睡

韓偓

○ 負薪女

白居易

○ 偶見 五首

韓偓

○ 春女怨

薛維翰

○ 又

朱絳

○ 佳人春怨

劉方平

○ 舞女

楊師道

○ 閨情

袁暉

○ 又

李端

○ 春女

張籍

○ 春夜

韓偓

○ ○ 獨婦

無名氏

○ 仙女

楊衡



P4

○宮女 二首

白居易

○又

朱慶餘

○舊宮人

劉得仁

○佳人照鏡

張文恭

○美人繡幃

胡令能

○織女

戴叔倫

○採蓮女

戎昱

○又 二首

王昌齡

○贈鄰女

魚玄機

○王家少婦

崔顥

○懶卸頭

韓偓

○晝寢

韓偓

○○佳人春怨

孟浩然

○孤寢

崔珣

○春女行

劉希夷

○洛陽女兒

王維

○美人梳頭

張碧

○美人古歌 二首

簡文帝

○採蓮女

李白

○又

陶朝隱

○趙女

王表

○採菱女郎

劉禹錫

○麗人行

杜甫

○北方有佳人

徐賢妃

○美人梳頭

李賀

○倡女

張籍

○美人歌 二首

陳後主

○画美人

劉長卿

○美女篇

屈同仙

○舞妓

劉遵


○美人舞

王訓


○美人拍箏歌


盧綸











唐詩香奩集

錢塘楊肇祉君錫甫集選

長樂郡
振聲書
請看書

友人李宇參仲三甫校閱

贈趙使君美人

杜審言

紅粉青娥映楚雲。桃花馬上石榴裙。羅敷獨向
東方去。謾學他家作使君。

美人

盧綸

殘粧色淺髻鬟開。笑映朱簾覩客來。推醉唯知

弄花鈿。潘郎不敢使人催。

二

自拈裙帶結同心。煖處偏知香氣深。愛促狂夫問閒事。不知歌舞問黃金。

鬆髻

韓偓

髻根鬆慢玉釵垂。指點花枝又過時。坐久暗生惆悵事。映人勻却映胭脂。

憶佳人

駱賓王

東西吳蜀關山遠。魚來鴈去兩難聞。莫怪常有千行淚。只為陽臺一片雲。

麗人曲

崔國輔

紅顏稱絕代。欲並真無侶。獨有鏡中人。由來自相許。

題美人

于鵠

秦女窺人不解羞。攀花趁蝶出牆頭。胸前空帶宜男草。嫁得蕭郎愛遠遊。

又

怪得春風送異香。娉婷仙子曳霓裳。惟憂錯認
偷桃客。曼倩曾為漢侍郎。

崔澹

又

嚴吹如何下太清。玉肌無疹六銖輕。自知不是
流霞酌。願聽雲和瑟一聲。

鄭仁表

奉勅贈康尚書美人

薛伯行

天門喜氣曉氛氳。聖主臨軒召冠軍。欲令從此

行霖雨。先賜巫山一片雲。

陌上美人

李白

駿馬驕行踏落花。垂鞭直拂五雲車。美人一笑
褰珠箔。遙指紅樓是妾家。

戲竇子美人

岑參

朱唇一點桃花殷。宿粧嬌羞偏髻鬟。細看只似
陽臺女。醉着莫許歸巫山。

美人怨

薛維翰

美人怨何深。含情倚金閣。不笑復不語。珠淚紛
上落。

又

李白

芙蓉不及美人粧。水殿風來珠翠香。却恨含情
掩秋扇。空懸明月待君王。

又

前人

美人捲珠簾。深坐頓蛾眉。但見淚痕濕。不知心
恨誰。

浣紗女

王昌齡

錢塘江畔是誰家。江上女兒全勝花。吳王在時
不肯出。今日公然來浣紗。

又

李白

玉面耶溪女。青蛾紅粉粧。一雙金齒屐。兩足白
如霜。

二

南陌春風早。東隣去日斜。千花開瑞錦。香撲美

香奩集

人車。

越女 五首

前

長干吳兒女。眉目艷新月。屐上足如霜。不着鴉頭襪。

二

吳兒多白指。好為蕩舟劇。賣眼擲春心。折花調行客。

三

耶溪採蓮女。見客掉歌迴。笑入荷花去。佯羞不出來。

四

東陽素足女。會稽素舸郎。相看月未墮。白地斷肝腸。

五

鏡湖水如月。耶溪女似雪。新粧蕩新波。光景兩奇絕。

閨婦

白居易

斜凭繡牀愁不動。紅銷帶暖綠鬟低。遼陽春盡無消息。夜合花前日又西。

賦別隄人

崔膺

壠上流泉壠下分。斷腸嗚咽不堪聞。嫦娥一入月中去。巫峽千秋空白雲。

鄰女

白居易

娉婷十五勝天仙。白日嫦娥旱地蓮。何處聞教

鸚鵡語。碧紗窓下繡床前。

貧女吟

鄭谷

塵壓鴛鴦廢錦機。滿頭空插麗春枝。東鄰舞妓多金翠。笑剪燈花學畫眉。

思婦眉

白居易

春風搖蕩自東來。折盡櫻桃綻盡梅。唯餘思婦愁眉結。無限春風吹不開。

怨婦

劉商

連曙寢衣冷。開門霜露凝。風吹昨夜淚。一片枕邊冰。

二

淨掃黃金堦。飛霜皎如月。下簾彈箜篌。不忍見秋月。

忍笑

宮樣衣裳淺畫眉。曉來梳洗更相宜。水精鸚鵡。欵頭顫舉袂。佯羞忍笑時。

再青春

前

兩重門裏玉堂前。寒食花枝月午天。想得那人垂手立。嬌羞不肯上鞦韆。

新上頭

學梳鬆鬢試新裙。消息佳期在此春。為要好。多心轉惑。遍將耳稱問。傍人。

半睡

擡照仍嫌瘦。更衣又怕寒宵分。未歸帳半睡待。

郎看

負薪女

白居易

亂蓬為髮布為衣。暖踏寒山自負薪。一種錢塘江畔女。着紅騎馬是何人。

偶見

四首

韓偓

鞦韆打困解羅裙。指點醞醕索一樽。見客入來和笑走。手搓梅子映中門。

二

霧為襟袖玉為冠。半是羞人半忍寒。別易會難長自嘆。轉身應把淚珠彈。

三

桃花臉薄難藏淚。柳葉眉長易覺愁。密迹未成當面笑。幾迴擡眼又低頭。

四

半身映竹輕聞雨。一手揭簾從轉頭。此意別人應未覺。不勝情緒兩風流。

香奩集

春女怨

薛維翰

白玉堂前一樹梅。今朝忽見數花開。見家門戶
重。閉。春色因何入得來。

又

朱絳

獨坐紗窓刺繡遲。紫荊枝上嘯黃鸝。欲知無限
傷。春意併在停鍼不語時。

佳人春怨

劉方平

紗窓落日漸黃昏。金屋無人見淚痕。寂寞空庭

春又晚。梨花滿地不開門。

舞女

楊師道

二八如迴雪。三春類早花。分行向燭轉。一種逐
風斜。

三月閨情

袁暉

三月時將盡。空房妾獨居。蛾眉愁自結。鬢髮沒
情梳。

閨情

李端

月落星稀天欲明。孤燈未滅夢難成。披衣更向
門前望。不忿朝來喜鵲聲。

春女

張籍

新粧面。下珠樓。深鎖春光一院愁。行到中庭
數花朵。蜻蜓飛上玉搔頭。

春夜

韓偓

氤氳帳裏香。薄。睡時粧。長吁解羅帶。怯見上
空牀。

繡婦

無名氏

不洗殘粧並繡牀。却嫌鸚鵡繡衣裳。迴針刺到
雙飛處。憶昔征夫淚數行。

仙女

楊衡

玉笄初侍紫皇君。金縷鴛鴦滿絳裙。仙宮一閉
無消息。遙結芳心向碧雲。

宮女二

白居易

淚濕羅巾夢不成。夜深前殿按歌聲。紅顏未老

恩先斷。斜倚薰籠坐。到明。

二

雨露由來一點恩。爭能遍布及千門。三千宮女。臙脂面。幾箇春來無淚痕。

又

朱慶餘

寂、花時閉院門。美人相並立瓊軒。含情欲說宮中事。鸚鵡前頭不敢言。

舊宮人

劉得仁

白髮宮娃不解悲。滿頭猶自插花枝。曾緣玉貌君王寵。准擬人看似舊時。

佳人照鏡

張文恭

倦採靡蕪葉。貪憐照膽明。兩邊皆拭淚。一處有啼痕。

美人繡幃

胡令能

日暮堂前花葉嬌。手拈小筆上牀描。繡成安向東園裏。引得黃鸝下柳條。

織女

戴叔倫

鳳梭停織雀無音。夢憶仙郎夜、情難得相逢。
容易別。銀河深似妾愁深。

採蓮女

戎昱

洛陽女兒花滿頭。髻上同泛木蘭舟。秋風日暮
南湖裏。爭唱菱歌不肯休。

又

王昌齡

吳姬越艷楚王妃。爭弄蓮花水濕衣。來時浦口

花迎入。採罷江頭月送歸。

二

荷葉羅裙一色裁。芙蓉何臉兩邊開。亂入池中
看不見。聞歌始覺有人來。

白居易

菱葉縈波荷颭風。荷花深處小船通。逢郎欲語
低頭笑。碧玉搔頭落水中。

採蓮女

張敬徽

遊女泛江晴。蓮紅水復清。競多愁。日暮爭疾。畏
船傾。波動疑釵落。風生覺袖輕。相看未得意。歸
浦棹歌聲。

天津橋上美人

駱賓王

美女出東隣。容豫上天津。整衣香滿路。移步覆
生塵。水下看粧影。眉頭畫月新。寄言曹子建。箇
是洛川神。

開府席上賦得美人名解愁

盧綸

不敢苦相留。明知不自由。頓肩乍欲語。歛笑又
低頭。舞態兼殘醉。歌聲似帶羞。今朝搃見也。只
守解人愁。

巫山神女

劉禹錫

巫山十二鬱蒼蒼。片石亭亭號女郎。曉霧乍開
疑卷幔。山花欲謝似殘粧。星河好夜聞清佩。雲
雨歸時帶異香。何事神仙九天上。人間來就楚

襄王。

美人手

韓偓

暖白膚紅玉笋芽。調琴抽線露尖斜。背人細撚。垂煙鬢。向鏡輕勻。襯臉霞。悵望昔逢。褰繡幔。依稀。稀。曾見托金車。後園笑向同行道。摘得。薜蘿。又一枝。

裏娜

前人

裏娜腰肢淡薄粧。六朝宮樣窄衣裳。看詞暫見

櫻桃破。飛盞盈。開。萱菟香。春惱情懷。身覺瘦。酒添顏色。面生光。以時不敢分明道。風月應知暗斷腸。

贈美人 三首

方干

諸侯帳下慣新粧。皆怯劉家薄媚娘。寶髻巧梳金翡翠。羅裙宜着繡鴛鴦。輕舞汗初沾袖細。歌聲欲遶梁。何事不歸巫峽去。故來人世斷人腸。

二

直緣多藝用心勞。心路玲瓏格調高。舞袖低徊。真。映蝶。朱唇深淺。假櫻桃。粉胸半掩。疑晴雪。醉眼斜迴。小樣刀。總會兩雲須別去。語慙不及琵琶。棹。

三

嚴冬忽作看花日。盛暑翻為見雪時。坐上弄嬌聲。不轉樽前掩笑意。難知。含歌媚盼如挑葉。醉舞輕盈似柳枝。年紀未多猶怯在。些。私語怕人疑。

杜丞相綜筵中贈美人

李群玉

裙拖六幅瀟湘水。髮聳巫山十朵雲。貌態祇應天生有。歌聲豈合世間聞。胸前瑞雪燈斜照。眼底桃花酒半醺。不是相如憐賦客。肯交容易見文君。

美人分香

孟浩然

豔色本傾城。分香更有情。髻鬟垂欲解。眉態拂
能輕。學舞平陽態。歌翻子夜聲。春來狹斜道。含
笑待逢迎。

觀美人臥

梁 鎰

妾家巫峽陽。羅帳寢銀床。曉日臨窓久。春風引
夢長。落釵猶冒髮。微汗欲銷黃。縱使矇眊覺。魂
猶逐楚王。

美人騎馬

盧 綸

駿馬嬌仍穩。春風灞岸晴。促來金蹬短。扶上玉
人輕。帽束雲鬟亂。鞭籠翠袖明。不知從此去。何
處更傾城。

烏江女

屈同仙

越豔誰家女。朝遊江岸傍。青春猶未嫁。紅粉舊
來倡。錦袖盛朱橘。銀鈎摘紫房。見人羞不語。回
艇入溪藏。

貧女

秦韜玉

蓬門未識綺羅香。擬託良媒益自傷。誰愛風流高格調。共憐時世儉梳粧。敢將十指偏誇巧。不抱雙眉闔畫長。苦恨年三壓金線為他人。作嫁衣裳。

舞

李 嵩

妙伎遊金谷。佳人滿石城。霞衣席上轉。花袖雪中明。儀鳳諧清曲。迴鸞應雅聲。非君一顧重。誰賞素腰輕。

新粧

楊容華

女炯

宿鳥驚眠罷。房櫳乘曉開。鳳釵金作綫。鸞鏡玉為臺。粧侶臨池出。人疑月下來。自憐終不見。故去復徘徊。

贈隣女

魚玄機

羞日遮羅袖。愁春懶起粧。易求無價寶。難得有情郎。卽枕上。潛垂淚。花間暗。斷腸。自能窺宋玉。何必恨王昌。

王家少婦

崔顥

十五嫁王昌。盈盈入畫堂。自矜年最少。復倚嬌
為郎。舞愛前溪綠。歌憐子夜長。閒來鬪百草。度
日不成粧。

懶卸頭

韓偓

侍女動粧奩。故、驚人睡。那知本未眠。背
面偷垂淚。嬾卸鳳凰釵。羞入鴛鴦被。時復見殘燈。和
烟墜金穗。

畫寢

韓偓

碧桐陰靜隔簾櫳。扇拂金鵝玉簾烘。撲粉更添
香體滑。解衣從見下裳紅。煩襟乍觸冰壺冷。倦
枕徐歌寶髻鬆。何必苦勞魂與夢。王昌只在以
牆東。

佳人春怨

孟浩然

佳人能畫眉。粧罷出簾幃。照水空自愛。折花將
遺誰。春情多艷逸。春意倍相思。愁心似楊柳一
香奩集

種亂如絲。

孤寢

崔珪

征戍動經年。含情拂玳筵。花飛織錦處。月落擣衣邊。燈暗愁孤坐。床空怨獨眠。自居遼海去。玉匣閉春絃。

春女行

劉希夷

春女顏如玉。怨歌陽春曲。巫山春樹紅。沅湘春草綠。自憐妖艷姿。粧成獨見時。愁心伴楊柳。

盡亂如絲。極目千餘里。悠悠春江水。頻想玉闌人。愁臥金閨裏。尚言春花落。不知秋風起。嬌愛猶未終。悲涼從此始。憶昔楚王宮。玉樓粧粉紅。纖腰弄明月。長袖舞春風。榮華委西山。光陰不可還。桑林沒東海。富貴今何在。寄言桃李容。胡為閨閣重。但看楚王墓。惟見數株松。

洛陽女兒

王維

洛陽女兒對門居。終可容顏十五餘。良人玉勒

乘驄馬。侍女金盤贈鯉魚。畫閣朱樓盡相望。桃
紅柳綠垂簷向。羅帷送上七香車。寶扇迎歸九
華帳。狂夫富貴在青春。意氣驕奢劇季倫。自憐
碧玉親教舞。不惜珊瑚持與人。春窗曙滅九微
火。九微片片飛花朵。戲罷勇無理。曲時粧成祇
自薰。香坐城中相識盡繁華。日夜經過趙李家
誰憐越女顏如玉。貧賤江湖自浣紗。

美人梳頭

張碧

玉堂花院小枝紅。綠窻一片春光曉。玉容驚覺
濃睡醒。圓蟾挂出粧臺表。金盤解下叢鬟碎。三
尺笑容縮。朝翠皓指高低翠。態愁水精梳滑。參
差墜。須臾攏掠蟬鬢生。玉釵冷透冬冰明。芙蓉
折向新開臉。秋泉慢轉眸波橫。鸚鵡偷來話心
曲。屏風半倚遙山綠。

美人古歌

蔣文帝

翻階蛺蝶忘花情。容華飛燕相逢迎。誰家總角

岐路陰。裁紅點翠愁人心。天窓綺井暖徘徊。珠
簾玉篔明鏡臺。可憐年幾十三四。工歌巧舞入
人意。白日西落楊柳垂。含情弄態兩心知。

二

西飛迷雀東羈雉。倡樓秦女乍相值。誰家天麗
憐中止。輕粧薄粉光閭里。網戶珠綴曲瓊鉤。芳
茵翠被香氣流。少年幾方三六。含嬌聚態傾
人目。餘香落葉坐相催。可憐絕世為誰媒。

採蓮女

李白

若耶溪傍採蓮女。笑隔荷花共人語。日照紅粧
水底明。風飄羅袖空中舉。岸上誰家遊冶郎。三
五過垂楊。紫騮嘶入落花去。對此臨風空
斷腸。

又

閨朝隱

採蓮女。採蓮舟。春日春江碧水流。蓮花承玉釧
蓮刺罨銀鈎。薄暮歛容歌一曲。氛氳香氣滿汀

洲。

趙女

王表

趙女乘春上畫樓。一聲歌發滿城秋。無端更唱
關山曲。不是征人亦淚流。

女郎採菱行

劉禹錫

白馬平湖秋日光。紫菱如錦綵鴛翔。蕩舟遊女
滿中央。採菱不顧馬上郎。爭多逐勝紛相向。時
轉蘭橈破輕浪。長鬟弱袂披參差。釵影剗文犀。

蕩樣笑語哇咬。頽暉蓼花綠岸扣舷歸。來
共到市橋步野蔓繫船萍滿衣。家。竹樓臨廣
陌。下有連檣多佑客。携觴薦支夜經過。醉踏大
堤相應歌。屈平祠下沅江水。月照寒波白煙起。
一曲南音此地聞。長安北望三千里。

麗人行

杜甫

明皇時楊國忠與虢國夫人隣居每獨
來或並轡入朝及夫人從車駕幸華清

宮會於國。忠第此麗人行之所以作也。

三月三日天氣清。長安水邊多麗人。態濃意遠淑且貞。矚理細膩骨肉勻。綉羅衣裳照暮春。感金孔雀銀麒麟。頭上何所有。翠為鬋。葉垂鬢。層身後何所見。珠壓腰。被穩稱身。就中雲幕椒房親。賜名大國號。與秦紫駝之峯。出翠釜。水精之盤。行素鱗。犀筋厭飲。久未下。鸞刀縷切空紛綸。黃門飛鞚不動塵。御厨絡繹送八珍。蕭鼓哀吟。

感鬼神。賓從雜。宿實要津。後來鞍馬何逡巡。當軒下馬入錦茵。楊花雪落覆白蘋。青鳥飛去銜紅巾。炙手可熱勢絕倫。慎莫近前丞相嗔。

賦得北方有佳人

徐賢妃

由来稱獨步。本是號傾城。柳氣眉間發。桃花臉。上生。腕搖金釧響。步轉玉環鳴。纖腰回寶袿。紅衫豔織成。懸知一顧重。別覺舞腰。

美人梳頭歌

西施曉夢銷帳寒。香鬟隨髻半沉檀。輓轡咿呀
轉。鳴玉驚起。芙蓉睡新足。雙鴛開鏡。秋水光解
鬟臨鏡。立象牀。一偏香絲雲撒地。玉釵落處無
聲膩。纖手卻盤老鴉色。翠滑寶釵簪不得。春風
爛熳飛嬌容。十八鬟多無氣力。粧成髮髻。不
斜雲裾。數步踏鴈沙。背人不語。向何處。下階自
折櫻桃花。

倡女

張籍

輕鬢叢梳潤。掃眉為嫌風。日下樓稀。画羅金縷
難相稱。故著尋常淡薄衣。

美人歌

三首

陳後主

池測鴛鴦春日。鸞綠珠絳樹相逢。迎誰家。雀罷
過淇上翠。釵綺袖波中。樣雕軒。繡戶花恒簇。珠
簾玉砌移明月。年時二七。猶未笄。轉顧流盼。鬢
鬢低。風飛藥落。將何故。可惜可憐空擲度。

二

南飛烏鵲北飛鴻。弄玉蘭香時會同。誰家可憐
出窓牖。春心萬媚。勝楊柳。銀牀金屋。挂流蘇。寶
鏡玉釵橫珊瑚。今年二八紅新臉。宜笑。宜歌。羞
更。歛。風花一去春不歸。只為無雙惜舞衣。

画美人

劉長卿

愛爾含天姿。丹青有殊智。無問已得象。此外更
生意。西子不可見。千載無重還。空令綉紗態。猶
在含毫間。一笑豈易得。雙蛾如有情。窈窕風不舉。
袖。但覺羅衣輕。

美女篇

屈同仙

東隣美女。實名倡。絕代容華無比方。濃纖得中
非短長。紅素天生誰飾粧。桂樓椒閣木蘭堂。繡
戶雕軒。文杏梁。屈曲屏風。遶象床。菱鏡翠帳。綴
香囊。玉臺龍鏡。澄微光。金爐沈煙。酷烈芳。遙聞
行珮音。鐸。含嬌。含笑。出洞房。二八三五。閨心
切。褰簾捲幔。迎春節。情歌始發。詞怨咽。鳴琴一

弄心斷絕。借問哀怨何所為。盛年情多心自悲。
須臾破顏。倏欵態。一悲一喜。保相宜。何能見此。
不注心。惜無媒氏為道音。可憐盈。直千金。誰
家君子為藁砧。

舞妓

劉遵

倡女多嬌色。入選盡華年。舉腕嫌衫重。迴腰覺
態妍。情繞陽春吹。影逐相思絲。履度開裙袂。髮
轉匝花鈿。所愁餘曲罷。為欲舞君前。

美人舞

王訓

新粧本絕世。妙舞亦如仙。傾腰逐韻管。欵色聽
張筵。袖輕風易入。釵重步難前。笑態千金動。衣
香十里傳。持以雙飛鸞。定當誰可憐。

二

紅顏自燕趙。妙妓邁陽河。就行齊逐唱。赴節聞
相和。折腰送餘曲。欵袖待新歌。嚙容生翠羽。慢
睇出橫波。雖稱趙飛燕。比此詎成多。

十五屬平陽。因來入建章。主家能教舞。城中巧
畫粧。低鬟向綺席。舉袖拂花黃。燭送空邊影。衫
傳鈴裏香。堂筵好留客。故作舞衣長。

美人拍箏歌

盧綸

出簾仍有鈿箏隨。見罷翻令恨識遲。微收皓腕
纏紅袖。深過朱絃低翠眉。忽然高張應繁節。玉
拍迴旋若飛雪。鳳簫韶管寂不喧。綉幕紗幪

秋月。有時輕弄和郎歌。慢處聲遲情更多。已愁
紅臉能佯醉。又恐朱門難再過。昭陽伴裏寂聰
明。出到人間線長成。遙知禁曲難翻處。猶是君
王說小名。

唐詩名媛集目

號國夫人 一首

○ ○ 張祐

王昭君 三十五首

○ ○ 白居易 二首

○ 李白

○ 東方虬 ○ 崔國輔

○ ○ 李商隱 ○ ○ 楊凌

○ 令狐楚 二首 ○ 郭元振 二首

○○儲光義 四首 ○○庾信

○董思恭 ○○張文琮

△○○張垣 △○○駱賓王

○宋之問 ○○陳標

○白居易 ○李白

○劉長卿

楊貴妃 五首

○王之渙 ○○李白 四首

阿嬌 一首

○○王昌齡 二首

長門怨 九首

○○劉阜 ○裴交泰

○○女郎劉媛 二首 △○○王昌齡

△○○劉言史 ○○○王貞白 二首

○岑參

班婕妤 十二首

○王維

○徐彥伯

○李咸用

○崔國輔 二首

○○王昌齡 四首

○趙起

○李白

○庾信

西施 四首

○羅隱

○李白 二首

○○王維

湘妃 二首

○李白

○劉長卿

宋慙宜 二首

○李涉 二首

薛瑤英 二首

○楊炎

○○賈至

行雲 一首

○鄭史

段東美

○薛宜僚

王福娘一首

○○孫榮

碧玉娘二首

○于鵠

薛濤一首

○胡曾

段七娘一首

○李白

綠珠二首

○李昌符

○崔郊

非烟一首

○趙象

關盼一首

○白居易

崔娘一首

○楊巨源

息夫人 一首

○○王維

盧姬 一首

○○崔顥

談容娘 一首

○常非月

蘇小 一首

○溫庭筠

馮小隣 一首

○李賀

比紅兒 四首

○○羅虬

李雍容 一首

○○韓偓

真珠 一首

○李賀

玉清一首

○○畢耀

宋華陽一首

○李商隱

秦娘一首

○○劉禹錫

目錄

唐詩名媛集

武林楊肇祉君錫甫集選

友人李宇參仲三甫校閱

魏國夫人

張祐

楊妃第三姨也封魏國賜錢十萬為脂

粉竇然魏國不施粧粉自銜美艷常素

面朝天

魏國夫人承主恩。平明上馬入宮門。却嫌脂粉

名媛集

汙。頰。色。淡。掃。蛾。眉。朝。至。尊。

昭君

白居易

即王嫱也。元帝時後宮既多，不得常見，乃使畫工圖其形。按圖召幸，宮人皆賂畫工，昭君自恃容貌，獨不與工。乃醜圖，遂不得見。匈奴入朝，求美入為關氏帝。按圖以昭君行及去，召見貌為後宮第一善應對，舉止閑雅，帝悔之，而為難也。

定方重信於外國，故不復更。木為窮其事，畫工等畫棄市。昭君至匈奴，單于大悅，昭君恨不見遇，乃作怨思之歌。後人因是以作昭君怨。

滿面胡沙滿面風，眉銷殘態臉銷紅。愁苦辛勤顛額盡，如今却似畫圖中。

二

漢使却回憑寄語，黃金何日贖蛾眉。君王若問

名媛集

三

妾顏色莫道不如宮裏時。

昭君怨

李白

昭君拂玉鞍。上馬啼紅顏。今日漢宮人。明朝胡地妾。

昭君詞 二首

東方虬

漢道方全盛。朝廷足武臣。何須薄命妾。辛苦遠和親。

二

掩涕辭丹鳳。銜悲向白龍。單于浪驚喜。無復舊時容。

昭君怨

崔國輔

漢使南還盡。胡中妾獨存。紫臺錦望絕。秋草不堪聞。

昭君

李商隱

毛延壽畫欲通神。忍為黃金不為人。馬上琵琶行萬里。漢宮長有隔生春。

明妃，即昭君也。

楊凌

漢國明妃去不還。馬駝絃管向陰山。匣中縱有菱花鏡。羞對單于照舊顏。

昭君 二首

全狐楚

錦車天外去。毳幕雪中開。魏關蒼龍遠。蕭關赤馬來。

二

仙娥今下嫁。驕子自同和。劔戟歸田盡。牛羊繞

塞多。

昭君怨 二首

郭元振

自嫁單于國。長街哭掖悲。容顏日黯賴。有甚畫圖時。

二

聞有南河信。傳聞殺畫師。始知君惠重。更遣畫娥眉。

昭君

儲光華

西。行。隴。上。泣。胡。天。南。向。雲。中。指。渭。川。毳。幕。夜。來
時。宛。轉。何。由。得。似。漢。王。邊。

二

胡。王。知。妾。不。勝。悲。樂。府。皆。傳。漢。國。辭。朝。來。馬。上
瑩。篥。引。稍。似。宮。中。閑。夜。時。

三

日。暮。驚。沙。亂。雪。飛。傍。人。相。勸。易。羅。衣。強。來。前。殿
看。歌。舞。共。待。單。于。夜。獵。歸。

四

彩。騎。雙。引。寶。車。羗。笛。兩。奏。胡。笳。若。為。別。得
橫。橋。路。莫。隱。宮。中。玉。樹。花。

昭君

庾信

歛。眉。光。祿。塞。遙。望。夫。人。城。片。紅。粧。落。雙。淚
眼。生。冰。河。牽。馬。度。雪。路。抱。鞍。行。朔。風。入。骨。冷。夜
月。照。心。明。方。調。琴。上。曲。變。作。胡。笳。聲。

昭君

二首

董思恭

琵琶馬上彈。行路曲中難。漢月正南遠。燕山直北寒。
髻鬟風拂亂。眉態雪沾殘。斟酌紅顏改。徒勞握鏡看。

二

新年猶尚小。那堪遠聘秦。裾衫沾馬汗。眉態染胡塵。
舉眼無相識。路逢皆異人。唯有梅將李。猶帶故鄉春。

昭君怨

張父宗

戒途
苑春
悲遠

里。迴首望三秦。忽見天山雪。還疑上
一。垂粉淚。羅袂拂胡塵。為得胡中曲。還

王昭君

駱賓王

歛容辭豹尾。絨怨度龍鱗。金鈿明漢月。玉筯染胡塵。
古鏡菱花暗。愁眉柳葉顰。唯有清笳曲。時聞芳樹春。

昭君怨

宋之問

非君惜。鸞殿非妾妬。蛾眉薄命由驕虜。無情是
畫師。嫁來胡地日。不並漢宮時。辛苦無聊賴。何
看馬上辭。

二

圖畫失天真。容華坐誤人。君恩不可再。妾命在
和親。淚點關山月。衣銷邊塞塵。一聞陽鳥至。思
絕漢宮春。

昭君

陳標

掌上恩移玉帳空。香珠滿眼泣春風。飄零怨柳
愁眉翠。狼藉愁挑墜。臉紅。鳳輦祇應三殿非。鸞
聲不散五湖中。笙歌處。迴天睠。獨自無情長
信宮。

明妃

白居易

明妃風貌窈窕婷。合在椒房應四星。只得當年
備宮掖。何曾專夜奉。婦屏見竦從。道迷圖畫知
屈那。教配虜廷。自是君恩薄如紙。不須一向恨

丹青。

明妃曲

李白

漢家秦地月。流影送明妃。一上玉關道。天涯去
不歸。漢月還從東海出。明妃西嫁無來日。
瞻。脂。長。寒。雪。作。花。媚。眉。顛。顛。沒。胡。沙。生。之。黃。金。在。圖
畫。死。留。青。塚。使。人。嗟。

昭君歌

劉長卿

自矜驕豔色。不顧丹青人。那知粉繪能相負。

使容華翻誤身。上馬辭君嫁驕虜。玉顏對人啼
不語。北風雁急浮雲秋。萬里獨見黃河流。纖腰
不復漢宮寵。雙蛾長向胡天愁。琵琶絃中苦調
多。蕭。蕭。羌。笛。聲。相。和。誰。憐。一。曲。傳。樂。府。能。使。千
秋。傷。綺。羅。

楊妃剪髮

王之渙

楊貴妃小字玉環開元二十二年歸於

壽邸二十八年玄宗幸溫泉宮使高力士

士取楊氏女既見之日奏霓裳羽衣曲
上喜甚寵傾後宮一夕竊寧王玉笛吹
忤旨放出中使張韶光送妃至宅妃泣
謂光曰請奏妾罪合萬死衣服之外皆
聖恩所賜唯膚髮是父母所生今當即
死無以謝上乃剪髮一束付光以獻妃
既出上悔然至是光以髮搭於肩上以
奏上大驚急使力士召歸

青絲一縷淨雲鬟。金剪刀鳴不忍看。特問君王
寄幽怨。可能從此住人間。

貴妃宮中行樂詞四首

李白

柳色黃金嫩。梨花白雪香。玉樓巢翡翠。金殿鎖
鴛鴦。選妓隨雕輦。徵歌出洞房。宮中誰第一。飛
燕在昭陽。

二

小小生金屋。盈盈在紫微。山花插寶髻。石竹繡

羅衣每出深宮裏。嘗隨步輦歸。只愁歌舞散。化作綵雲飛。

三

玉樹春歸日。金宮樂事多。後庭朝未入。輕輦夜相過。笑出花間語。嬌來竹下歌。莫教明月夜。留著伴嫦娥。

四

今日明光裏。還須結伴遊。春風開紫殿。天樂下

珠樓。豔舞全知巧。嬌歌欲半羞。更憐花月夜。宮女笑藏鉤。

阿嬌怨

王昌齡

漢武帝為膠東王時。長公主嫖有女。欲與王婚。景帝未許。後長主還宮。膠東王數歲長。主抱置膝上。問曰。兒欲得婦否。長主指左右數百人。皆云不用。指其女曰。阿嬌好否。笑對曰。好若得阿嬌當作

金屋貯之長主乃強帝遂成婚焉擅寵
十餘年而無子元光五年廢居長門宮
后。退。同。司。馬。相。如。工。文。章。奉。黃。金。百。斤。
令為解愁之詞曰長門賦帝見而傷之
復得親幸後人因其賦而為長門怨也
笑。容。不。及。美。人。粧。水。殿。風。來。珠。翠。香。却。恨。含。啼。
掩秋扇空懸明月待君王。

二

望見歲筵舉翠華。試開金屋掃庭花。須臾宮女
傳來信。言幸平陽公主家。

長門怨

劉 阜

宮殿沉。上月色分。昭陽更漏。不堪聞。珊瑚枕上
千行淚。不是思君。是恨君。

長門怨

裴交泰

自閉長門經幾秋。羅衣濕盡淚空流。一種娥眉
明月夜。南宮歌管北宮愁。

名媛集

十一

長門怨 二首

女郎劉媛

兩滴梧桐秋夜長。愁心和雨到昭陽。淚痕不學君恩斷。拭却千行更萬行。

二

學畫蛾眉獨出群。當時人道便承恩。經年不見君王面。花落黃昏空掩門。

長門妃怨

王昌齡

春風日。閉長門。搖蕩春心自夢魂。莫遣花開

只問妾。不如桃李正無言。

長門妃冬怨

劉言史

獨坐爐邊結夜愁。暫時恩去亦難收。手持金筋垂紅淚。亂撥寒灰不舉頭。

長門怨 二首

王貞白

寂寞故宮春。殘燈曉尚存。從來非妾過。偶尔失君恩。花落傷容鬢。鶯啼驚夢魂。翠華如可待。應免老長門。

葉落長門靜。苔生永巷幽。相思對明月。獨坐向空樓。鴛鴦。迷。終。轉。娥。眉。老。自。愁。昭。陽。歌。舞。伴。此。夕。未。知。秋。

長門妃怨

卷 參

君王嫌妾妬。閨妾在長門。舞袖垂新寵。愁眉結舊恩。綠錢侵履跡。紅粉濕啼痕。羞被夭桃笑。看春獨不言。

班婕妤

王 維

婕妤徐令彪之姑况之女美而能文初為帝所寵幸後趙飛燕姊弟冠於後宮自知見薄恐久見危求供養太后於長信宮帝許焉乃退作紈扇詩以自傷悼後人傷之為婕妤怨一作長信宮怨

恠來粧閣閉。朝下不相迎。總向春閨裏。花間笑語聲。

婕妤怨

徐孝伯

花枝出建章。鳳管發昭陽。借問承恩者。雙蛾幾許長。

婕妤怨

李咸用

莫恃芙蓉開滿面。更有身輕似飛燕。不得團圓長近君。珪月鉞時泣秋扇。

長信宮怨

崔國輔

奉帚平明秋殿開。且將團扇共徘徊。玉顏不及寒鴉色。猶帶昭陽日影來。

二

西宮夜靜百花香。欲捲珠簾春恨長。斜抱雲和深見月。朧。樹。色。影。昭。陽。

長信妃怨

四首

王昌齡

金井梧桐秋葉黃。珠簾不捲夜來霜。熏籠玉枕無顏色。臥。聽。南。宮。清。漏。長。

二

高殿秋砧響夜闌。霜深猶憶御衣黃。銀燈青瑣

裁縫歇。還向金城明主看。

三

真成薄命久尋思。夢見君王覺後疑。火照西宮。知夜飲。分明復道奉恩時。

四

長信宮中秋月明。昭陽殿下擣衣聲。白露堂前細草迤。細羅帳裏不勝情。

長信妃

錢起

長信螢來一葉秋。蛾眉淚盡九重幽。鳩鵲觀前明月度。芙蓉闕下絳河流。鴛鴦久別難為夢。鳳管遙聞更起愁。誰分朝陽夜。歌舞君王輦。正澆留。

長信宮妃怨

李白

月皎昭陽殿。霜清長信宮。天行乘玉輦。飛燕與君同。更有歡娛處。承恩樂未窮。誰憐團扇妾。獨坐怨秋風。

長信宮妃

庾信

拭啼辭戚里。迴顧望昭陽。鏡失菱花影。釵除却
月梁。腰圍無一尺。垂淚有千行。綠衫承馬汗。紅
袖拂秋霜。別曲真多恨。哀絃湏更長。

西施

羅隱

越人初浣沙。于苧蘿村。後越王役于會稽。歸賣西施。獻于吳。王寵之。因以亡國。吳亡。大夫范蠡移舟潛載。去歸於五

湖

家國興亡自有時。吳人何苦進西施。若解
傾吳國。越國亡時又是誰。

西施醉舞

李白

風動荷花水殿香。姑蘇臺上宴吳王。西施醉舞
嬌無力。笑倚東窗白玉牀。

西施

李白

西施越溪女。出自苧蘿山。秀色掩今古。荷花羞

玉顏。浣沙弄碧水。自與清波閑。皓齒信難開。沉
凝碧雲間。勾踐微絕艷。揚蛾入吳關。提攜館娃
宮。杳渺詎可攀。一破夫差國。千秋竟不還。

西施詠

王維

艷色天下重。西施寧久微。朝為越溪女。暮作吳
宮妃。賤日豈殊衆。貴來方悟稀。邀人傳脂粉。不
自著羅衣。君寵益驕態。君憐無是非。當時浣紗
伴。莫得同車歸。持謝隣家子。效顰安可希。

湘妃怨

李白

二妃愁處雲沉沉。二妃怨處湘江深。商人酒滴
廟前草。蕭索風生斑竹林。

湘妃

劉長卿

帝子不可見。秋風來暮思。婣娟湘江月。千載空
蛾眉。

宋態宜

湖州妓

李涉

長憶雲仙至。小時芙蓉頭。上綰青絲。當時驚覺

高唐夢。唯有如今宋玉知。

二

陵陽夜宴使君筵。解語花枝在眼前。自從明月西沉海。不見嫦娥二十年。

薛瑤英

楊炎

雲面淡眉天。上女鳳蕭鸞。翅欲飛去。玉山翹翠步無塵。楚腰如柳不如春。

贈薛瑤英

賈至

舞怯銖衣重。笑疑桃臉開。方知漢承帝。虛築避風臺。

行雲

南妓後徙居北

鄭史

最愛鈿華薄。粧更兼衣著。又鴉黃。從來南國名。雀麗何事今朝在北行。

別段東美

青州妓

薛宜僚

阿母桃花方似錦。王孫草色亦如煙。不須更向滄溟望。惆悵歡情又一年。

王福娘

孫榮

移壁迴窓廢幾朝。指環偷解博蘭椒。無端闌草輸隣女。更被檢將楊柳腰。

碧玉娘

于鵠

新編籠裙。葦蕩花路。入笑上返金車。霓裳禁曲。無人解。暗問梨園弟子家。

薛濤

胡勇

一字薛校書。善書名重洛陽。

萬里樓臺女校書。琵琶花下閉門居。掃眉才子知多少。管領春風。揔不如。

阮七娘

杰白

羅襪凌波生網塵。那能得計訪親情。千杯綠酒何辭醉。一面紅粧。腦殺人。

綠珠

李昌符

洛陽佳麗與芳華。金谷園中見百花。誰遣當年墜樓死。無人巧笑破孫家。

去妾綠珠

崔郊

公子王孫逐後塵。綠珠垂淚滿羅巾。侯門一入深如海。從此蕭郎是路人。

寄非烟

趙象

武氏妾象見之作詩以寄非烟亦作一詩
答烏奴後遂有私

一觀傾城貌。塵心只自猜。不隨蕭史去。擬學阿蘭來。

關盼

白居易

黃金不惜賣蛾眉。揀得如花四五枝。歌舞教成心力盡。一朝身去不相隨。

崔娘

楊巨源

清潤潘郎玉不如。中庭蕙草雪銷初。風流才子多春思。腸斷崔娘一劄書。

息夫人

王維

蔡哀侯娶于陳。息侯亦娶焉。息侯將歸。

過蔡、侯止而見之，弗賓。息侯怒，使謂
楚王，改蔡。蔡侯為羊，故經。息鳩以語楚
子如息，以食入享。滅息，以息鳩歸。生者
教及成，王未言。楚子問之，對曰：「吾一婦
人而事二夫，縱弗能死，其又奚言？」
莫以今時寵，能忘舊日恩。看花滿眼淚，不共楚
王言。

盧姬篇

崔顥

魏武帝時人，故將軍陰升之姊。七歲入
漢宮，善鼓琴。至明帝崩，出嫁為尹更生
妻。

盧姬少小，魏王家。綠鬢紅唇，桃李花。魏王倚樓
十二重，水精簾箔，綉芙蓉。白玉欄杆，金作柱。樓
上朝、學歌舞。前堂後堂，羅袖人。南窓北牖，花
發春。翠幌珠簾，闌絲管。一彈一奏，雲欲斷。君王
日晚下朝歸，鳴環佩。玉生光輝，人生今日得嬌。

貴。誰道盧姬身細微。

談容娘

常非月

舉手整花鈿。翻身舞錦筵。馬圍行處匝。人壓看
場圓。歌要齊聲和。情教細語傳。不知心大小。容
得許多憐。

蘇小歌

溫庭筠

買蓮莫破券。買酒莫解金。酒裏春容抱。離恨水
中蓮。子懷芳心。吳宮女兒腰。似木。家在錢塘小。

江曲。一自檀郎逐便風。門前春水年年綠。

馮小隣

李賀

灣頭見小隣。請上琵琶絃。破得春風恨。今朝直
幾錢。裙垂竹葉帶。鬢濕杏花烟。玉冷紅絲重。齊
宮妾駕鞍。

比紅兒

羅虬

一曲都緣張麗華。六宮齊唱後庭花。若交比並
紅兒貌。枉破當時國與家。

二
青。絲。高。綰。石。榴。裙。勝。斷。當。筵。酒。半。曠。置。向。漢。宮。
圖。畫。裏。入。胡。應。不。數。昭。君。

三
斜。凭。欄。干。醉。態。新。斂。眸。微。盼。不。勝。春。當。時。若。遇
東。昏。主。金。葉。蓮。花。是。此。人。

四
自。隱。新。從。夢。裏。來。嶺。雲。微。步。下。陽。臺。含。情。一。向。

看。風。笑。羞。殺。九。花。盡。不。開。

李雍容 李波珠

韓 偓

李波小妹字雍容，窄衣短袖蜜錦紅。未解有情
夢梁殿，何曾自媚姑吳宮。誰教牽引知酒味，因
令帳望成春慵。海棠花下鞦韆畔，背人撩髮道
匆。

洛妹真珠

李 賀

真珠小娘下清郭，洛苑香風飛綽。寒髮斜釵

玉。燕。光。高。樓。唱。月。敲。雲。璫。蘭。風。挂。露。灑。幽。翠。絲。
絃。裊。雲。咽。深。思。花。袍。白。馬。不。歸。來。濃。蛾。疊。柳。香。
唇。醉。金。鵝。屏。風。蜀。山。夢。鴛。裙。鳳。帶。行。煙。重。八。駿。
籠。晃。臉。差。移。巾。絲。繁。散。熏。羅。洞。市。南。曲。陌。無。秋。
涼。楚。腰。魏。髻。四。特。芳。玉。喉。襟。、。排。空。光。牽。雲。曳。
雪。留。陸。郎。

玉清歌

畢耀

洛陽城中有一人名玉清，可憐玉清如其名。善

踏斜柯能獨立。嬋娟花艷無人及。珠為裙。玉為
纓。臨春風。吹玉笙。悠、。滿天星。黃金閣上粧成
雲。和曲中。為曼聲。玉。梯。不。得。踏。搖。袂。兩。盈。、。城
頭之日復何情。

月夜重會宋華陽姊妹

李商隱

偷桃竊藥事難兼。十二城中鎖彩蟾。應共三人
同夜賞。玉樓仍是水晶簾。

秦娘歌

劉禹錫

秦娘本常尚書家主。謳者善琵琶歌舞。盡得之于樂工。居吳郡。二歲携之歸京師。多新聲。善工。于是又捐去。故技以新聲教之。又盡其妙。而秦娘名字。往見稱于貴遊之間。元和初。尚書亮于東京。秦娘出居民間。久之。為蘄州刺史張憇所得。其後憇坐事謫居武陵。郡。秦娘無所歸。地荒且遠。無有能知其

容與。菀者。故曰祀。祭器而哭其音。噎殺。以悲。確。客。聞之。為歌。其事。以足于樂府。云。

秦娘家本閭門西。門前綠水遶金堤。有時粧成好天氣。走上高橋折花戲。路傍忽見停隼旗。斗量明珠鳥傳意。紺幘迎入專城居。長鬟如雲夜似霧。錦茵羅薦承輕步。舞學驚鴻水榭春。歌撩上客蘭堂暮。從即西入帝城中。貴遊簪組香簾

攏低鬟。緩視。看明月。纖指破。撲生胡。風繁華。二
旦有消歇。題劍無光。履聲絕。洛陽舊宅。生草萊。
杜陵蕭。松柏哀。粧奩蟲網厚。如蠶。博山爐側
傾寒灰。蘄州刺史張公子。白馬新到銅駝里。自
言買笑擲黃金。月墜雲收從此始。安知鵬鳥座
隅飛。窈窕旅魂招不歸。秦家鏡有前時結。韓壽
香銷故篋衣。山城少人。江水碧。斷鴈哀。猿風雨
多。朱絃已絕。為知音。雲鬢未秋。私自惜。舉目風
煙非舊時。亭尋歸路。多參差。如何將以千行淚
更灑湘江班竹枝。



